



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Sententia negativa præfertur, & triplici concludione statuitur,

[urn:nbn:de:hbz:466:1-77232](#)

ARTICVLVS PRIMVS.

An beati videant omnia quæ continentur in Deo formaliter, nimirum essentiam, attributa, & relationes?

Negant Nominales, & quidam alij, existimantes omnia attributa non videri à beatis. Fundamentum ipsorum est, quia attributa quæ respectum rationis ad creaturas important, ut omnipotencia, scientia, idea, ars, & familia, non possunt quidditativè cognosci, nisi creaturae existentes & possibles cognoscantur: Sed omnes creature existentes non videntur à beatis, & repugnat illos videre omnes creature possibles; alioquin divinam omnipotentiam comprehendērent, ut infra dicemus: Ergo beati nec cognoscunt nec cognoscere possunt omnia divina attributa.

Addunt, quod idea in mente divina existentes, sunt infinitæ, & tot quot sunt effectus possibles, ac proinde attingi nequeunt à lumine gloriae illustrante intellectum beatorum, cùm illud sit finita virtus & activitas.

Dico tamen, beatos videre omnia quæ sunt in Deo formaliter & necessariò, ut essentiam, attributa, & relationes. Ita D. Thomas h̄c art. 7. & 2.2. quest. 2. art. 8. ad 3. & communiter Theologi. Probatur conclusio multipliciter. Primo ex Florentino in litteris unionis, ubi dicitur quod Deus unus & trinus videtur à beatis. Et 1. Joan. 3. Cū apparuerit similes et erimus, quoniam videbimus eum sicuti est: Sed Deus est in se unus & trinus, justus, sapiens, misericors, omnipotens &c. Ergo ut talis videtur à beatis; subinde essentia, relationes, omniaque ipsius attributa, ab illis cognoscuntur.

Secundo, Cū visio beata sit merces fidei nostræ, per eam clarè cognoscimus in patria, quæ nobis hic in via per fidem obscurè revelantur: Sed per fidem nobis obscurè revelantur ea quæ speant ad divinam naturam, attributa, & personas: Ergo illa per speciem & claram visionem nobis manifestantur in patria.

Tertiò, Clara Dei visio, cùm sit quidditativa, intuitiva, & beatificativa, se extendit ad ea quæ pertinent ad quidditatem & naturam Dei, & ad modum essendi illius: Sed attributa ad quidditatem Dei pertinent, & natura divina in tribus personis existit: Ergo visio beatifica attingit omnia quæ sunt in Deo formaliter, nimirum essentiam, attributa, & relationes.

Denique, Essentia divina ut in se, est omne prædicatum divinum: Sed implicat Dei essentiam videri, & non cognosci ut est in se: Ergo implicat videri, & non cognosci prout est formaliter omne prædicatum divinum; subinde implicat cognoscendum Deum intuitivè, formaliter, vel prædicatum aliquod Dei necessarium latere. Unde

Ad fundamentum Nominalium dicendum est, quod ut videantur à beatis illa attributa, quæ respectum rationis ad creaturas important, sufficit quod cognoscatur ratio entis creabilis in communi, nec requiritur quod creatura in particulari, quæ sunt objecta tantum secundaria & materialia horum attributorum, cognoscantur, ut magis infra declarabitur.

Ad illud verò quod additur de ideis in mente divina existentibus, dicendum est, quod licet beati non videant nec videre possint omnes ideas in mente Dei existentes, quia non vident omnes

A creaturas ideatas, & ab essentia divina exemplatas, nec possunt videre omnes creature possibles: omnes tamen vident in Deo illud attributum, ratione cuius divina essentia est vel esse potest exemplar omnium creaturarum existentium, aut possibilium: ideas vero in particulari quilibet beatus videt, juxta proportionem luminis gloriae, plures aut pauciores creature in particulari, in divina essentia representantis, ut etiam constabit ex infra dicendis.

ARTICVLVS II.

An posse videri Divina Essentia sine attributis, & relationibus: aut attributa, & relationes sine Essentia: vel una Persona Sanctissime Trinitatis sine alia?

C Elebris est hæc difficultas, & controversia, qua inter utriusque scholæ (Angelicæ scilicet, & Subtilis) Discipulos, præcipue versatur. Scotus enim, ejusque Discipuli, quos sequuntur Aegidius a Præsentatione, Granodus, Salas, & Alarcon, docent non repugnare, videri à beatis essentiam divinam sine attributis, & personis; vel attributa, & personas sine essentia; vel etiam unam personam sine alia. Oppositum tenet S. Doctor locis infra referendis, cique adhærent omnes ejus Discipuli, & plures ex Recensionibus. Unde sit

§. I.

Sententia negativa prefertur, & triplice coniunctione statuitur.

D Ico primò: Repugnat videri à beatis Divinam Essentiam, sine attributis, & personis. Probatur conclusio ratione fundamentali, qua est virtualiter triplex, utpote desumpta ex triplici prærogativa, & excellentia visionis beatifica; illa enim est cognitio intuitiva, quidditativa, & beatificativa: Sed ex hoc triplici capite repugnat, divinam essentiam videri à beatis, non visis attributis, & personis: Ergo &c. Major constat: Minor vero, quantum ad singulas partes, probatur. Et in primis, quod ex ratione intuitionis hoc repugnet, sic ostenditur. Cognitio intuitiva, per hoc distinguitur ab abstractiva, quod hæc apprehendit objectum proportionaliter ad captum intellectus, & distinguit illud, non ut est in se, sed tantum in habitudine ad ipsum intellectum; illa autem videt, & intuetur objectum, ut est in se à parte rei: Ergo cùm Deus sit in se unus, & trinus, & includat in se essentiam, attributa, & relationes; repugnat illum videri, & intuitivè cognosci, nisi etiam videantur relations & attributa.

E Confirmatur: Cognitio intuitiva non terminatur ad solam naturam & quidditatem objecti, sed fertur in rem, ut est in se subsistens & existens à parte rei: Atque natura divina subsistit, & existit in tribus personis: Ergo repugnat illam videri, & intuitivè cognosci sine illis. Unde D. Thomas 2. 2. quest. 2. art. 8. ad 3. Summa bonitas Dei, secundum modum quo nunc intelligitur per effectus, potest intelligi abh[ic]que Trinitate personarum; sed secundum quod intelligitur in se p[ro]p[ter]e, prout videtur à Beatis, non potest intelligi sine Trinitate personarum.

F Secunda etiam pars Minoris principalis suadetur: Visio beatifica, quatenus est cognitio Dei quidditativa, necessariò terminari debet ad ea om-

DE OBJECTO VISIONIS BEATIFICÆ. 165

nia, quæ essentialiter & quidditativè Deo convenient: Sed attributa divina essentialiter Deo convenient, cùm ille sit ens per essentiam, & totam essendi plenitudinem, omnesque perfectiores simpliciter simplices in se contineat: Ergo Deus quidditativè cognosci non potest, nisi ejus attributa cognoscantur. Præterea, divina essentia non potest quidditativè cognosci, nisi cognoscatur ut secunda, & communicabilis, non quodcumque, sed modo intellectuali, per emanationem Verbi, & productionem Spiritus Sancti; nam in hoc maximè distinguitur à ceteris naturis creatis: Atqui non potest hoc modo cognosci, nisi cognoscantur relationes, & personæ: Ergo illis non cognitis, non potest quidditativè cognosci.

8. Confirmatur primò: Deus non potest quidditativè cognosci, nisi cognoscatur ut actus purus: Sed non potest cognosci ut actus purus, non cognitis attributis & relationibus: Ergo non potest quidditativè cognosci, nisi ejus attributa & relationes cognoscantur. Major constat, Minor probatur. Cùm actus purus ad nihil sit in potentia, sed omnia habeat in actu, implicat videri aliquid de actu puro in se, & non videri totum: quia in ipso actu puro, idem est totum, & aliquid, & idem est latere aliquid, & totum: Ergo Deus non potest cognosci ut actus purus, non cognitis attributis & relationibus.

9. Confirmatur secundò: Quando duæ rationes ita se habent, ut una transcendentaliter includatur in alia, implicat quòd una quidditativè cognoscatur sine alia; quia non possunt quidditativè cognosci, nisi cognoscatur talis transcendencia, que cùm sit relatio quædam, vel saltem relationem importet, non potest cognosci, nisi utrumque extreum cognoscatur: Sed essentia divina, cùm sit actus purus, & infinitus, transcendentaliter includitur in attributis, & relationibus, ut ostendimus in tertia disputatione Tractatus præcedentis, agentes de distinctione virtuali divinorum attributorum: Ergo implicat illam quidditativè cognosci, non cognitis attributis, & relationibus. Unde D. Thomas 3, parte quartæ, art. 3. *Intellectus dupliceiter se habet ad divina: uno modo ut cognoscat Deum sicut est, & si impossibile est, quòd circumscribatur per intellectum aliquid a Deo, & quòd aliud remaneat: quia totum quod est in Deo, est unum, salvâ distinctione personarum.*

10. Denique probatur tertia pars Minoris principalis, & eadem repugnantia ex tertia prærogativa (scilicet ex ratione visionis, ut est beatitudo nostra) breviter demonstratur. Visio Dei quatenus est nostra beatitudo, debet esse cognitione intuitiva, & terminari ad Deum ut est in se, juxta illud I. Joan. 3. *Cum apparuerit similes ei erimus* (scilicet in beatitudine) *quoniam videbimus eum sicut est*. Ubi ponderanda est causalis illa *quoniam*, significat enim causam, seu rationem à priori, cur visio Dei sit beatifica, esse quia terminatur ad illum ut est in se: Sed visio Dei terminata ad solam essentiam, sine attributis, & personis, non est cognitione Dei intuitiva, nec terminaretur ad Deum ut est in se à parte rei; cùm Deus in se non solùm sit unus, sed etiam trinus; nec solùm essentiam, sed etiam attributa & relations includat: Ergo non est cognitione beatificativa.

11. Item, De essentia beatitudinis est, quòd sit cognitione perfectè quietativa intellectus: At si visio

A attingeret solam essentiam divinam, nec se extenderet ad attributa & personas sanctissime Trinitatis, non esset perfectè quietativa intellectus: Ergo non est cognitione beatificativa. Major patet, beatitudo enim est perfecta, quies & quietas omnium desideriorum, iuxta illud Prophetæ, Psalmo 16. *Satiabor cùm apparuerit gloria tua.* Minor etiam videtur certa: Videns enim aliquam essentiam, naturaliter desiderat videare ejus proprietates, & affectiones, & modum quòd illa subsistit, & existit; & non quietatur intellectus, donec illa omnia cognoscatur: Sed attributa sunt veluti proprietates, & affectiones divina naturæ; & illa (cùm sit infinitè secunda, & communicabilis) subsistit in tribus personis sanctissime Trinitatis: Ergo si visio beata ad solam Dei essentiam terminaretur, nec se extenderet ad attributa, & personas, non esset perfectè quietativa, vel quietativa intellectus creatus, qui posset alicuius attributi, vel personæ visionem optare, & dicere cum Prophetæ, *Ostende nobis Domine misericordiam tuam*, vel cum Philippo, *Domine ostende nobis Patrem*.

Denum, Visio Dei, quatenus est beatificativa, debet terminari ad summum bonum, ipsumque reddere præsens intellectui beato, & ab illo possessum: Unde Moysi petenti visionem Dei facie ad faciem, Dominus respondit, *Ego ostendam tibi omne bonum*; & ipsa beatitudo definitur, *status omnium bonorum aggregatione perfectus*: Ergo illa ut talis est, debet attingere omnem perfectionem, attributum, modum, & personalitatem divinæ nature, & quidquid actu, & formaliter in Deo est. Consequentia patet:

C Tum quia summum bonum hæc omnia postulat, sive ut constitutiva, sive ut modificativa. Tum etiam, quia si aliquid corum lateret, aliquò quod est in Deo beatus non frueretur, & sic beatitudo non esset perfecta possesso, & fructu summi boni, nec status omnium bonorum aggregatione perfectus. Hæc ratio magis patet ex dicendis in Tractatu de beatitudine, ubi fuscæ ostendimus, essentiam divinam, sine personis, non esse sufficiens objectum ad beatificandum hominem, subinde sublatâ cognitione personarum, essentiam beatitudinis non posse subsistere. Unde ex ibi dicendis constabit, rationem istam demonstrare, non solùm de lege ordinaria, sed nec etiam de potentia absoluta, posse divinam essentiam videri, non visis personis sanctissime Trinitatis.

Dico secundò: Repugnat etiam videri attributa, & personas, sine essentia.

E Patet hæc conclusio ex dictis in præcedenti: cùm enim essentia divina transcendentaliter includatur in relationibus & attributis, eo ferè modo quo ratio entis includitur in suis modis, & proprietatibus (hoc enim habet Deus ratione suæ infinitatis, quod ens ratione suæ transcendentaliter) sicut repugnat quidditativè cognosci modos & proprietates entis, non cognitione entis in eis imbibitæ; ita implicat quidditativè cognosci relationes, & attributa divina, non cognitione essentia in eis transcendentaliter inclusa.

Præterea, In visione beatifica, attributa, & relationes, non habent rationem objecti motivi, & speciei intelligibilis, sed sola natura divina: Ergo illa non cognitione, non possunt quidditativè cognosci. Consequentia patet, nam cognitione necessario dependet à specie intelligibili, & objecto motivo. Antecedens vero probatur: Cùm enim

species intelligibilis effectivè concurrat ad intellectionem, si relationes divinæ, in visione beatifica haberent rationem speciei, persona divine, ratione sive differentia relativæ, possent operari aliquid ad extra effectivæ; & sic operationes ad extra non essent indivisæ, & communes toti Trinitati, quod est contra communem Theologorum sententiam.

Dico tertio: Repugnat etiam unam personam sanctissimam Trinitatis, videri sine alia.

¶ 15. Probatur primo ex verbis Christi ad Philippum Ioan. 14. *Philippe qui videt me, videt et Pater: non credi quia ego in Patre, et Pater in me est.* Qui locus, licet varias habeat interpretationes, communior tamen apud SS. Patres, est de visione beata: Christus enim vult docere, quod qui videt Filium, debet etiam necessario ipsum Patrem videre; quia sunt idem in essentia; unde cum hæc ratio in visione semper reperiatur, dicendum est, quod non solum secundum viam ordinariam, sed etiam extraordinariam, Pater non potest cognosci sine Filio, nec viceversa Filius sine Patre. Quare Augustinus i. de Trinit. cap. 8. *Si vero ergo audiamus, ostende nobis Filium, sive audiamus, ostende nobis Patrem, tantumdem valet, quia nester sine altero potest ostendendi.*

¶ 16. Probatur secundo: Repugnat unum relativum cognosci sine suo correlativo; nam relativa, ut docet Aristoteles, sunt simul naturæ, & cognitione: Sed Divinae Personæ sunt relativæ, constituentur enim per relations, ut docetur in Tractatu de Trinitate. Ergo non possunt cognosci sine suo correlativo. Unde Pater, ut generans, non potest cognosci sine Filio quem generat; nec Pater & Filius, ut spirantes, sine Spiritu Sancto quem spirant. Et idem proportionaliter dicendum est de Filio, respectu Patris; & de Spiritu Sancto, respectu Patris & Filii.

§. II.

Solvuntur objectiones.

¶ 17. Objecit primò: Si repugnat videri Deum sine attributis, & personis, maximè quia visio beatifica est cognitione intuitiva, quidditativa, & beatificativa: Sed hæc non obstant: Ergo id non repugnat. Major constat ex dictis §. precedentibus: Minor vero probatur discurrendo per singulas partes. Et in priuis quod ex ratione intuitionis non repugnat, sic ostenditur. Ad visionem intuitivam non requiritur quod videantur omnia praedicata quæ sunt in objecto, etiam si identificantur inter se: nam quando à longè cōspicimus aliquem venientem, videmus illum sub ratione viventis, vel animalis, & non discernimus, an sit homo, vel equus, aut leo. Nec etiam requiritur quod modus quo objectum in se existit, vel subsistit, videatur; sed sufficit quod videatur ut existens; ut constat etiam in visu externo, qui vider omnes colores, nec tamen attingit modū inherentię quo in subiecto existunt. Et corpus, seu humanitas Christi, videbatur in terris, non tamen subsistentia increata Verbi Divini, per quam existebat. Item quantitas panis videtur in Eucharistia, licet non videatur modus subsistentie quo per se existit: Ergo ex ratione intuitionis non repugnat videri essentiam divinam sine personis.

Quod etiam id non implicet ex ratione quidditativa cognitionis, facile suadetur. Nam personæ non sunt de ratione quidditativa Dei, cum de fide sit, Patrem communicare Filio tota essentiam, &

A omnia prædicta quidditativa, non tamen paternitatem: Ergo ex vi & ratione cognitionis quidditativa, non repugnat Deum à beatis videri sine personis.

Tertio, Quod etiam id non repugnet ex ratione visionis, ut beatificantis, sic potest suadeti. Secundis, seu non visis personis, adhuc remanet Deus summum bonum, & finis ultimus, ac proinde objectum beatificum: Ergo ex vi visionis Dei, ut beatificè, non requiritur necessario videri omnes personas. Consequentia pater, Antecedens vero probatur. Deus non habet à relationibus seu personis, quod sit summum bonum, & ultimus finis, sed id habet ex eo quod est ens in creatum, & infinitè perfectum, & actus purus, quod totum habet ex ipsa essentia absoluta: Ergo, seclusis personis, adhuc remanet in Deo tota ratio summi boni, & ultimi finis.

Confirmatur primò: Deus creat, in quantum est unus, & omnipotens, non verò in quantum est trinus, & Pater aut Filius, vel Spiritus Sanctus: Ergo similiter beatificat, ut unus in essentia, & non ut trinus in personis; ac proinde illarum cognitionis ad beatitudinem non est necessaria.

Confirmatur secundo: Pater æternus, in illo signo quo intelligitur generare Filium, intelligitur beatus, cum beatitudo essentialiter illi conveniat: Sed pro illo signo nondum intelligitur Filius (cū ille producatur, & accipiat esse divinum, ex via talis cognitionis) nec consequenter Spiritus Sanctus, qui à Filio procedit: Ergo salvatur vera cognitionis beatitudo in Patre, antecedenter ad productionem Filij & Spiritus Sancti; & sic ad beatitudinem creatam, quæ est participatio in creato, non est absolutè necessaria cognitionis personarum.

Ad objectionem respondet concessa Majori, negando Minorem, quantum ad omnes partes. Ad probationem primæ dicendum est, quod licet ad cognitionem intuitivam imperfectam, qualis est visio corporeæ, non requiratur attingentia omnium eorum quæ sunt in re visa, bene tamen ad cognitionem intuitivam perfectam, qualis est visionis beatifica. Quare ex intuitiva cognitione sensuum externorum, vel ex alia, quæ sit per medium creatum, non potest deduci efficax argumentum, ad probandum non requiri ad visionem intuitivam Dei, quod videantur omnia quæ ad ejus quidditatem, & modum essendi pertinent, ac proinde ejus attributa, & personæ: Ratio enim disparitatis triplex assignari potest.

Prima se tenet ex parte potentiae cognoscens, oculus enim corporeus habet pro objecto adæquato lucidum & coloratum, non autem rationem specificam, aut individualem objecti: Ex quo sit quod visio corporeæ possit attingere aliquod objectum sub ratione lucidi, & colorati, non cognoscendo illud secundum rationem specificam aut individualem. Ex hoc etiam sit, quod non sit necesse illa visus aliquam re intuitivam, videatur modus quo illa subsistit, vel existit; & sic visus humanitatis Christi, non erat necesse videri ejus personalitatem, & visus quantitate Eucharistica, non oportet quod videatur modus subsistentie seu perfectitatis per quem existit: intellectus vero creatus, habet pro objecto adæquato ens sub ratione veri, sub quo continentur omnia predicata, tam constitutiva, quam modificativa, quæ sunt in re quam cognoscit: unde si ejus cognitionis sit perfecta, clara, & intuitiva (ut est visus beatifica) necessario se extendit ad omne quod pertinet ad naturam, & quidditatem objecti, & modum essendi illius.